

# 文殊師利問疾品第五

## (一) 文殊應命

爾時，佛告文殊師利：「汝行詣維摩詰問疾。」			
文殊師利白佛言：「世尊！彼上人者，難為訓對。」	<ul style="list-style-type: none"> <li>① 深達實相，善說法要；</li> <li>② 辯才無滯，智慧無礙；</li> <li>③ 一切菩薩法式悉知；</li> <li>④ 諸佛秘藏，無不得入；</li> <li>⑤ 降伏眾魔，遊戲神通；</li> <li>⑥ 其慧方便，皆已得度。</li> </ul>	雖然，當承佛聖旨，詣彼問疾。」	
於是，眾中諸菩薩大弟子、釋梵四天王等，咸作是念：今二大士，文殊師利、維摩詰共談，必說妙法。 即時，八千菩薩、五百聲聞、百千天人，皆欲隨從；於是，文殊師利與諸菩薩大弟子眾，及諸天人恭敬圍繞，入毘耶離大城。			
爾時，長者維摩詰心念：「今文殊師利與大眾俱來。」即以神力，空其室內，除去所有，及諸侍者；唯置一床，以疾而臥。 文殊師利既入其舍，見其室空，無諸所有，獨寢一床。			
時維摩詰言：「善來，文殊師利！」	<ul style="list-style-type: none"> <li>① 不來相而來，</li> <li>② 不見相而見。」</li> </ul>		
文殊師利言：「如是！居士！」	<ul style="list-style-type: none"> <li>① 若來已，更不來；</li> <li>② 若去已，更不去。</li> </ul>	所以者何？	<ul style="list-style-type: none"> <li>① 來者無所從來，去者無所至；</li> <li>② 所可見者，更不可見。</li> </ul>
且置是事，居士！	<ul style="list-style-type: none"> <li>① 是疾寧可忍不？</li> <li>② 療治有損，不至增乎！</li> </ul>		
世尊殷勤，致問無量。居士是疾，	<ul style="list-style-type: none"> <li>① 何所因起？</li> <li>② 其生久如？</li> <li>③ 當云何滅？」</li> </ul>		
維摩詰言：「從癡有愛，則我病生。以一切眾生病，是故我病；若一切眾生得不病者，則我病滅。」	所以者何？	<ul style="list-style-type: none"> <li>① 菩薩為眾生故入生死，有生死則有病；若眾生得離病者，則菩薩無復病。</li> <li>② 譬如長者，唯有一子，其子得病，父母亦病；若子病癒，父母亦愈。</li> <li>③ 菩薩如是，於諸眾生，愛之若子；眾生病則菩薩病，眾生病癒，菩薩亦愈。」</li> </ul>	
「又言：是疾何所因起？菩薩疾者，以大悲起。」			

(二) 慰喻病況

<p>① 文殊師利言：「居士此室，何以空無侍者？」 維摩詰言：「諸佛國土，亦復皆空。」</p> <p>② 又問：「以何為空？」 答曰：「以空空。」</p> <p>③ 又問：「空何用空？」 答曰：「以無分別空故空。」</p> <p>④ 又問：「空可分別耶？」 答曰：「分別亦空。」</p> <p>⑤ 又問：「空當於何求？」 答曰：「當於六十二見中求。」</p> <p>⑥ 又問：「六十二見當於何求？」 答曰：「當於諸佛解脫中求。」</p> <p>⑦ 又問：「諸佛解脫當於何求？」 答曰：「當於一切眾生心行中求。」</p> <p>⑧ 又仁者所問：「何無侍者？」 「一切眾魔及諸外道，皆吾侍也。」</p>	<p>所以者何？</p>	<p>① 眾魔者，樂生死，菩薩於生死而不捨；</p> <p>② 外道者，樂諸見，菩薩於諸見而不動。」</p>
<p>① 文殊師利言：「居士所疾，為何等相？」 維摩詰言：「我病無形不可見。」</p> <p>② 又問：「此病身合耶？心合耶？」 答曰：「非身合，身相離故；亦非心合，心如幻故。」</p> <p>③ 又問：「地大、水大、火大、風大，於此四大，何大之病？」 答曰：「是病非地大，亦不離地大；水、火、風大，亦復如是。」</p>	<p>而眾生病，從四大起，以其有病，是故我病。」</p>	
<p>爾時，文殊師利問維摩詰言：「菩薩應云何慰喻有疾菩薩？」</p>	<p>維摩詰言：「</p> <p>① 說身無常，不說厭離於身；</p> <p>② 說身有苦，不說樂於涅槃；</p> <p>③ 說身無我，而說教導眾生；</p> <p>④ 說身空寂，不說畢竟寂滅；</p> <p>⑤ 說悔先罪，而不說入於過去；</p> <p>⑥ 以己之疾，潛於彼疾；當識宿世無數劫苦，當念饒益一切眾生；</p> <p>⑦ 憶所修福，念於淨命，勿生憂惱，常起精進；當作醫王，療治眾病。」</p>	<p>菩薩應如是慰喻有疾菩薩，令其歡喜。」</p>

### (三) 調伏其心

<p>文殊師利言：「居士！有疾菩薩云何調伏其心？」</p>					
<p>維摩詰言：「有疾菩薩，應作是念：『</p>	<p>今我此病皆從前世妄想顛倒諸煩惱生。無有實法，誰受病者！』</p>	<p>所以者何？</p>	<p>① 四大合故，假名為身； ② 四大無主，身亦無我； ③ 又此病起，皆由著我。</p>	<p>是故於我不應生著。</p>	
<p>既知病本，即除我想及眾生想，當起法想，應作是念：『</p>	<p>① 但以眾法，合成此身：起唯法起，滅唯法滅。 ② 又此法者，各不相知：起時不言我起，滅時不言我滅。』</p>	<p>彼有疾菩薩為滅法想，當作是念：『</p>	<p>① 此法想者，亦是顛倒； ② 顛倒者，即是大患，我應離之。』</p>		
<p>① 云何為離？離我、我所。 ② 云何離我、我所？謂離二法。 ③ 云何離二法？謂不念內外諸法，行於平等。 ④ 云何平等？謂我等涅槃等。</p>	<p>所以者何？</p>	<p>① 我及涅槃，此二皆空。 ② 以何為空？但以名字故空。</p>	<p>① 如此二法，無決定性； ② 得是平等；無有餘病； ③ 唯有空病，空病亦空。</p>	<p>① 是有疾菩薩以無所受而受諸受； ② 未具佛法，亦不滅受而取證也。</p>	
<p>① 設身有苦，念惡趣眾生，起大悲心； ② 我既調伏，亦當調伏一切眾生； ③ 但除其病，而不除法；為斷病本，而教導之。</p>	<p>① 何謂病本？謂有攀緣。從有攀緣，則為病本。 ② 何所攀緣？謂之三界。 ③ 云何斷攀緣？以無所得；若無所得，則無攀緣。 ④ 何謂無所得？謂離二見。 ⑤ 何謂二見？謂內見、外見，是無所得。</p>				
<p>文殊師利！</p>	<p>① 是為有疾菩薩調伏其心，為斷老、病、死苦，是菩薩菩提。 ② 若不如是，己所修治，為無慧利；譬如勝怨，乃可為勇。</p>			<p>如是，兼除老、病、死者。菩薩之謂也。</p>	

(四) 病非真有

<p>彼有疾菩薩，復應作是念：『如我此病，非真、非有；眾生病，亦非真、非有。』</p>			
<p>作是觀時，於諸眾生若起愛見大悲，即應捨離。</p>	<p>所以者何？</p>	<p>① 菩薩斷除客塵煩惱而起大悲；愛見悲者，則於生死有疲厭心。                  ② 若能離此，無有疲厭，在在所生，不為愛見之所覆也。                  ③ 所生無縛，能為眾生說法解縛。                  ④ 如佛所說：『若自有縛，能解彼縛？無有是處！若自無縛，能解彼縛，斯有是處。』</p>	<p>是故菩薩不應起縛。</p>
<p>① 何謂縛？                  ② 何謂解？</p>	<p>① 貪著禪味，是菩薩縛；                  ② 以方便生，是菩薩解。</p>	<p>又</p>	<p>① 無方便慧縛；                  ② 有方便慧解；                  ③ 無慧方便縛；                  ④ 有慧方便解；</p>
<p>① 何謂無方便慧縛？</p>	<p>謂菩薩以愛見心莊嚴佛土，成就眾生；於空、無相、無作法中，而自調伏，</p>		<p>是名無方便慧縛。</p>
<p>② 何謂有方便慧解？</p>	<p>謂不以愛見心莊嚴佛土，成就眾生，於空、無相、無作法中，以自調伏，而不疲厭，</p>		<p>是名有方便慧解。</p>
<p>③ 何謂無慧方便縛？</p>	<p>謂菩薩住貪欲、嗔恚、邪見等諸煩惱，而植眾德本，</p>		<p>是名無慧方便縛。</p>
<p>④ 何謂有慧方便解？</p>	<p>謂離諸貪欲、嗔恚、邪見等諸煩惱，而植眾德本；回向阿耨多羅三藐三菩提，</p>		<p>是名有慧方便解。</p>
<p>文殊師利！彼有疾菩薩，應如是觀諸法。</p>			
<p>又復觀身</p>	<p>① 無常，苦、空、非我，是名為慧。                  ② 雖身有疾，常在生死，饒益一切，而不厭倦，是名方便。</p>		
<p>又復觀身</p>	<p>① 身不離病，病不離身，是病是身，非新、非故，是名為慧。                  ② 設身有疾，而不永滅，是名方便。</p>		

## (五) 菩薩心行

「文殊師利！有疾菩薩應如是調伏其心：不住其中，亦復不住不調伏心。」		
所以者何？	① 若住不調伏心，是愚人法； ② 若住調伏心，是聲聞法。	是故菩薩不當住於調伏、不調伏心。
離此二法，是菩薩行。	① 在於生死，不為汙行；住於涅槃，不永滅度，是菩薩行； ② 非凡夫行，非賢聖行，是菩薩行； ③ 非垢行，非淨行，是菩薩行； ④ 雖過魔行，而現降伏眾魔，是菩薩行； ⑤ 求一切智，無非時求，是菩薩行； ⑥ 雖觀諸法不生，而不入正位，是菩薩行； ⑦ 雖觀十二緣起，而入諸邪見，是菩薩行； ⑧ 雖攝一切眾生，而不愛著，是菩薩行； ⑨ 雖樂遠離，而不依身心盡，是菩薩行； ⑩ 雖行三界，而不壞法性，是菩薩行； ⑪ 雖行於空，而植眾德本，是菩薩行； ⑫ 雖行無相，而度眾生，是菩薩行； ⑬ 雖行無作，而現受身，是菩薩行； ⑭ 雖行無起，而起一切善行，是菩薩行； ⑮ 雖行六波羅蜜，而遍知眾生心心數法，是菩薩行； ⑯ 雖行六通，而不盡漏，是菩薩行； ⑰ 雖行四無量心，而不貪著生於梵世，是菩薩行； ⑱ 雖行禪定解脫三昧，而不隨禪生，是菩薩行； ⑲ 雖行四念處，不畢竟永離身受心法，是菩薩行； ⑳ 雖行四正勤，而不捨身心精進，是菩薩行； ㉑ 雖行四如意足，而得自在神通，是菩薩行； ㉒ 雖行五根，而分別眾生諸根利鈍，是菩薩行； ㉓ 雖行五力，而樂求佛十力，是菩薩行； ㉔ 雖行七覺分，而分別佛之智慧，是菩薩行； ㉕ 雖行八正道，而樂行無量佛道，是菩薩行； ㉖ 雖行止觀助道之法，而不畢竟墮於寂滅，是菩薩行； ㉗ 雖行諸法不生不滅，而以相好莊嚴其身，是菩薩行； ㉘ 雖現聲聞、辟支佛威儀，而不捨佛法，是菩薩行； ㉙ 雖隨諸法究竟淨相，而隨所應為現其身，是菩薩行； ㉚ 雖觀諸佛國土永寂如空，而現種種清淨佛土，是菩薩行； ㉛ 雖得佛道轉於法輪入於涅槃，而不捨於菩薩之道，是菩薩行。」	
說是語時，文殊師利所將大眾，其中八千天子，皆發阿耨多羅三藐三菩提心。		